

龠

山

集

八

一

二

三

四

龔山集 (清) 方文撰

上海古籍出版社出版

上海新興路五號

上海市印刷七廠印刷

新華書店上海發行所發行

各地新華書店經售

一九七九年十一月第一版

一九七九年十一月第一次印刷

開本：六一〇乘一三七二毫米十二分之一

印張：一〇二又三分之一 印數：一——四〇〇〇部

統一書號：一〇一八六·二〇五 全八冊 總裝本定價：二十二元

翁山續集

皖桐方文爾止著

壻繡水王槩家節詩

五言今體

泊西梁山有懷舊游

以下壬寅年作

江北多奇士無如戴敬夫詞源通屈賈書法擅歐虞家
與天門近身隨國運徂平生交不淺感動獨長吁
故人魯孺發早歲隱天門一命去荆楚終身懷國恩專
征曾秉鉞垂死復歸園澤畔行吟處重過欲斷魂

送張睂令歸永城

青溪有水閣亂後與人居欲售今無主爲時昔不如新
秋思故國逆旅剩殘書漪上田園好君歸且荷鋤

清江訪徐月鹿水部

曾有西陵約來時歲已更荷君猶解佩歸客正逢兵彈
指三年別懷人百感生那知公路浦又傷使星明
舍弟辭家久相依官舍中稱詩歸藻鑑把酒慰飄蓬老
我仍狂態因君多古風寒花傲霜雪不與衆芳同

贈嚴水子胡雪漁

歷下交游少客中愁思多何期逢二妙無日不相過釀
酒惟杭米

北方造酒皆黍
雪漁家獨以秫

烹泉得茗柯醉醒醒復醉夜

夜共婆娑

嚴老丹青聖胡郎篆隸工勝情俱不朽逸興況能同踏
雪舜祠外觀魚濼水中殊方有知己且勿歎途窮

贈魏竟甫使君

君去川南日人皆惜遠離淵懷獨恬曠棧道失艱危竟

展文翁化爭傳幼婦詞三年果遷擢又得奉光儀
猶記彭城署西偏馴鶴亭遶堦芳艸碧當戶遠山青
退食開書卷閒吟倒酒餅九皋相唱和父子並仙靈
河上黃樓廢巍然復舊觀濁流無泛溢山郭獲平安
古賦二蘇在新碑萬姓看鄒生曾授簡功蹟表城端
孟夏聞君信懸知八月來灤源頻悵望珂里却徘徊
雪後驅車至樽前笑口開明朝吾欲別那得久追陪

初度

以下癸卯年作

五十又加二頽然成老翁髮因愁半白顏借酒微紅
米帛新年少畊桑舊業空生來骨相薄不獨坐詩窮

沈方鄴同王山史杜蒼畧黃俞邵諸子集報恩寺
分韻兼送其歸宛

去家三百里除夕不曾歸君意翛然得世人知者稀寓
移城外寺客滿竹間扉春甕多名酒流連至落暉
節候近寒食能無上塚思買書從白下挂席過黃池好
友難爲別輕杯且暫持高秋重命駕拚醉桂花時

題畫爲田雪崖司理壽

自公來白下甘雨被郊圻雞犬晝長靜牛羊夜不歸遠
山青歷歷新柳綠依依況有吹笙客閒時一欸扉

謂山史

丹徒曉發與吳襄宗同舟

京口又開船船人報好天潮生穀雨後風緊麥秋前爲
客何時了論交此地偏且聽吳季子興廢話當年

武進訪岳聲國有贈

城南新卜宅密竹隱花關三逕艸長綠雙親鬢未斑鼎

烹猶待仕杯水且怡顏況復神仙侶晨昏足往還

常鼎訪錢遵王雨中畱飲

高齋空聽雨不必待嘉招梧柳落空翠軒櫺排古密試
茶塵塼洗勸酒旅愁消似坐千峯麓寧惟遠市囂

君家東礪老屢日共婆娑

牧齋先生自號東礪老人

羣從有才子新

詩亦和歌祇應長聚此無奈欲歸何既醉猶餘酒來朝
許再過

毘陵遇潘蜀藻一宿而別

思君頻入夢此地忽相逢艤棹沽村酒挑燈聽梵鐘青
溪有三徑明月待孤筇何處居停好惟應定鷺峯

老覺

老覺光陰速偏于夏日長平明先與晚向晦不生涼看

曆喜秋近聞車憂歲荒幾時霖雨降甘澤沛池塘

白下

白下知交少貧居况又偏從無問字酒那有作碑錢生計仰爲客詩人與作緣經營惟一飽蕭灑送餘年

猛雨

猛雨驅殘暑涼風送早秋閉門猶謝客乘興獨登樓芳樹葉遲落平川水漫流晚來天氣好步履出城游

雨後

雨後閒無事溪橋試一憑夕陽晴始穩秋水漲偏澄東圃行看菊西園又訪僧暮歸筋力倦把酒對青燈

獨坐

獨坐溪秋夜淒涼百感生夢熊猶未卜買犢尚無成缺

陷人間事蒼茫身後名放懷惟有酒高咏雜蟲聲

真州

真州六十里北去向蕪城過客憑昏黑舟人慣夜行擁
衾纔一覺泊岸甫三更津路皆如此何愁風浪驚

石塔寺懷僧介立

城南石塔寺曾寓六年前夙好僧何在重來客黯然經
房塵暗積講席月一作字空縣獨有江行艸虞山爲爾傳
牧齋先生吾炙集選介立
江行艸數十首極推之

秋霖

江漲已如此秋霖更奈何小園成巨浸窮巷起層波旬
日居難出比鄰客不過祇應與童子赤腳弄漁蓑
溪水高于閘溝塍何處消千家圩稻熟一夜浪花飄雞

犬棲無地魚龍氣甚驕潮痕纔稍退雨過又生潮
買宅清溪上柴扉喜向南曾栽數叢竹又種幾株柑不
意今秋澇都將衆樹淹淹音庵惟餘楊柳活黃葉亦纔甦
貧家元寂寞況復雨經旬縱有餅中粟應無竈下薪減
餐聊過日半閣且容身只是牆皆倒重修却苦人

十月十九日爲邵陽王幼華初度孫豹人房與公
吳賓賢郝羽吉汪舟次咸集其寓子後至因贈

二詩

古寺訪詩人偏逢初度辰相知何必舊至樂莫如新風
雅客先集疎狂意自親因之借杯酒爲爾壽千春
屈指關中友王郎獨少年科名方藉甚風骨更翛然一
見遽相洽三生或有緣那堪淮水駛明日又開船

自王家營至濟寧雜詠

遠游當歲暮初意覓舟師雪冷愁河凍霜晴策蹇馳道
途因老熟筋力較前衰向晚投村店吟身分外疲
老人宜晏起况是苦寒天此日起前路中宵不暇眠雞
鳴星靄下驢秣土牀邊蹊徑尚昏黑征夫已著鞭
漸入古滕薛當時亦附庸却疑方域小難稱子男封岱
色望非遠鳬山歷幾重路旁盤古廟欲訪未從容
羸畏高難御驟欺小易乘那知性蹄齧亦復效奔騰觸
石驟傷脇墮崖幾折肱開春理歸櫂一水至金陵

癸卯除夕定陶署中寫懷六首並呈正誼明府
野性貪爲客尋常不憶家驚心惟令節對酒亦長嗟五
十人稱艾風塵髯已華明年除夕起勿復滯天涯

回思十年內四歲客中除淮水棲荒寺丙申冬寓淮燕

山跨蹇驢丁酉歲杪蕭灘纔艤櫂辛丑除夕之荷澤又

停車癸卯十二月似較前番好言歸總不如

故人投我轄官舍頗優游肉食多麀兔陶產麀兔最多山珍足

柿櫛曹州出鏡列朝詩覆閱在署三十日重閱六法字

冥搜子著字學蒙求只是訟庭簡將何具麥舟

石城雖卜築終不喜城中山莫妙雙闕牛首山田思買

十弓荷鋤良足樂饁畝况能同只在明年定從茲息轉

篷

岱廟曾占夢熊羆在巳年懸弧應有日降嶽且由天壬寅

冬予登岱祈婦孺甘蔬水香燈禮竺乾今宵懷抱裏幼

女可人憐

年年當此夕俯仰獨含悽老覺憂端少心知物理齊
忍冬藤不死盍旦鳥猶啼瞬息春回轉東風花滿谿

月下飲王左車

以下甲辰年作

維舟當落日登岍訪幽人巷僻風塵少庭寬月色新
舉家修淨業藏酒待嘉賓感此流連意歸時想結鄰

次日予之

吳興

夜泊毘陵

客路偏逢雨維舟夜已殘江城千戶閉野店一燈寒
酒薄沽猶易愁多掃却難昔年偕隱處重話鼻辛酸

贈劉爾符明府

何事烏程縣棲遲十載餘罷官無長

去聲

物樂水且閒居

豈是歸途遠惟應生計疎當時諸父老猶餉米兼魚

城西鐵佛寺鄰並有空園盡室家于此非僧莫與言
接梅行雪澗淪茗訪泉源却笑分符者朝昏俗務繁

夙昔鄙章句將詩寫性情三唐無定格五字果長城
看我吟髭白逢君老眼明但閒來共語知不吝資罍

長春宮柳暗此邑富豪賢舊識李翁好新懽劉子偏高
文渠獨絕芳詠爾尤妍苕雪雖名勝難如華岳蓮

長春宮在

陝州朝邑縣劉卽朝邑人
李叔則先生亦同邑故云

蟬

僧窗淡樹裏終日有蟬鳴不似陰蟲語能爲高詠聲
晚來常靜默秋至轉淒清何物螳螂者偏懷害汝情

蚊

水鄉多白鳥欺我絰帷穿自解乘虛入何曾待客眠
扇

驅還聚集衾覆亦鑽研惟有火攻法雖慈不汝憐

長興道中

殘暑亦何酷溪行晝不能晚天呼小艇昏黑源長興信
有空囊溢知無暴客乘惱人惟一事白鳥太侵陵

吳江訪顧茂倫卽別

秋水魚梁路孤舟柳外維欲尋窮巷去夙與故人期會
面何匆遽消覓是別離安能似京口杖履日相隨

京口道中

江行秋色好風浪却愁予不敢催蘭櫂從茲稅筭輿平
安登岸後懽喜到家初童僕將行李扁舟穩自如

過鍾山下

鍾山千萬樹底事一朝無斬伐霜根盡淒涼玉殿孤何

人薦蘋藻牧馬任兵徒猶有遺黎在吞聲泣向隅

八月十二日自茗歸

在家思作客作客又思家
太日黃梅雨歸時紅蓼花細
君藏臘酒嬌女進秋瓜
夜夜高樓上團圓看月華

偶集成語二句爲門聯曰眞作野人居請迴俗士
駕復係以詩

茅舍鷺峯北柴門烏巷西
栽花數十本種菜兩三畦
山月迎窗出江雲入戶低
誰知城市裏吾自有幽棲
鄙性好交結往來人亦多
却無俗士駕曾向小園過
三徑堆黃葉雙溪冷白波
祇應風雅客相見共婆娑

李閬翁寓市隱園招同黃子威陳俞公小集

名園久寂寞今日始聞歌
一老池邊立羣公雨後過
秋